

MBELA TI GBYA TI KODRO NA MATANGA TI DIPENDANCE TI 2015

Centrafricaines,

Centrafricains, a molengué ti be africa, mbi bara ala koue

Kékéréké a ke dou kota matanga ti dipendance ti kodro ti e.

Kodro ti é tongana a tanga ti a kodro ti africa so a ngoro lo ayèkè sara matanga ti ngou balé okou na okou ti dipendance.

A lingbi é sara matanga so na ya ti gboungo li na ndo ti kodro ti é, na ndo ti ngangou koussala so akotazo ti kodro a sara ando, nga na ye so e lingbi ti sara ti lèkè kodro so a bouba na ndémbé so mingui.

Tongana e bi lé ti e na peko, doutingo ti beafrica na popo ti a mbéni kodro so a ngoro lo, a mouna e voundou nga na kamènè mingui.

Ni la a yeké ndjoni ti téné, na ndembé ti matanga ti dipendance so e gbou li ti e na ndo ti a koussala so molengue ti kodro oko na oko a lingbi ti sala ti kiri na siriri nga ti maye na kodro ;

A koussala ti kété ngoyi ayèkè kondani fadé na nzé ti koukourou so e yèkè da. A bendo ti guigui na a molengué ti kodro kwé ayéda ti kiri na koussala so na poko, si é yèkè sara kwé ti lèkè ndjoni sorongo a kota zo ti kodro si ndjoni douti akiri hiyo na ya ti kodro.

A ita ti mbi.

Na ya ti ngou bale okou na okou ti dipendance ti kodro ti e so, a molengué ti kodro aba passi mingui. Assi na ngou oussè na balé oko na ossio a soro mbi tonga

na gbya ti kodro; mbi yéda na ndjoni bè so ala mou na mbi. Mbi gbou na bê ti mbi oko ti lèkè ndjoni douti ti moléngué ti kodro kwé. Ti tènè kodro ti é a sigui na ya ti kpalé so lo yèkè da. Mbi boumbi amoléngué ti kodro ti mbi. Mbi kè tènè ti mara na kangbingo tère na ya ti kodro. Mbi ziya na séssé ngourougbya so a boumbi a zo kwé na ya ni.

Ayèkè ndjoni ala da bè ti ala na a nzé so ahon, kodro ti é ati lani na ya ti kota bira so na gbé ni tènè ti Danzapa nga na ti mara ayèkè da. La ni yéni ayèkè ngangou. Na légué ti ngangou so mbi na ngourougbya é sara, laso yékwé a tonda ti ga ndjoni.

Aita ti mbi,

Ata so ayeni ake ngagou kete si a oussou a kanga legue, a molengue ti be africa koue a yeda tongana zo oko ti goue na pikango kota patara ti bangui.

Na mango a molengue ti kodoro, a zo koue atene la ni, ayeke gui kota patara ti bangui oko si alingbi ti kiri na siriri biani na kodoro ti e.

A sara tongana nien si laso atènè ti vènè mingui ayèkè hon na iri ti mbi. Ti kanga légué na a ndjoni koussala so mbi yèkè sara. A zo ti houssouhoussou a ye ti bi kpalé na ya ti a vaka ndéndé ti bouba a koussala ti mango tère so la ni ésara na Kota pikango patara ti Bangui. Tongana e angué pépé, a kpalé a ké kiri ti ga na kota bira na kodro ti é. A molengue ti kodro, nga na Nzapa a lingbi ti yèda na ni pèpè.

Mbi tènè ni si azo kwé a lingbi ti hinga yé so a ké passé na gbé mbingo. E sara koué ti téné siriri a douti na kodro ti e. Tonga na siriri ayèkè na ya ti kodro, é ke hounzi koussala ti kété ngoyi so na ndémbé ni. Mawa ni yèkè ti so a kpalé a kanga légué mingui na é ti hounzi koussala ni na ngoyi ni so.

Ni la, a kota zo ti CEEAC, tongana so kota maman dia ti kété goyi a ounda, nga na Kota patara ti bangui a ounda, a ye da ti kiri na ndembé ti kéké ngoyi na poko kete ti tené e leke guéré ti a kossala ni koué na lengué ni si.

Ata yé ni ayèkè tonga na gnè, éyèkè sara kwé ti hounzi koussala ti kété ngoyi so na légué ni. Ti mou légué na azo kwé ti douti ndjoni. Na légué ti moungo maboko ti aita ti béndoguigui na é, yèkè na yèkè a yé koué a tondani ti ga nzoni awè.

Aita ti mbi,

Mbi inga, Kota koussala so angba na é ti sarango ni, ayèkè ti rokoto a ngombé ti bira so ayèkè mingui na maboko ti azo kirikiri, si siriri akiri biani na kodro ti é. Alingbi é lèkè hiyo kiringo ti azo so akpè kodro ti é ndali ti bira. Nga ti bata ndjoni douti ti ala na légué ti siriri. Mbi mou jéndo ti sara akoussala so kwé na légué ni, si am

oléngué ti kodro alingbi ti wara afini akotazo so ala yèkè soro andé ala na légué ti ndjiya.

Ndali ni mbi na ngourougbya na amoléngué ti kodro kwé é matèrè ti ziya na séssé fini guèrè ti koussala ti bango téné ti sorongo a kotazo ti kodro.

Mbi gonda mingui laso azo ti kodro kwé la so ndali ti so ala kè nakourou go awa handa, na awa bingo kpalé so ayé ti ga na kangbi na ya ti kodro. Mbi gonda azo kwé ndali ti hangolè so ala yèkè na ni.

Hangolè ti ala so, mbi hounda na ala kwé ti bata ni na ya ti lango so. Si zo oko a sara matanga so na ya ti gboungo li nga na ya ti siriri. Mbi gonda mingui nèngo tère ti azo kwé na ndémbé ti kota matanga ti e so.

Aita ti mbi,

Mbi hounda na azo kwé ti douti na siriri na ya ti Da ti nzapa, na ya ti kodro, na ya ti akamaporosso, na popo ti amasséka, na ya ti boumbi ti awali na ti akoli, na ndo ti koussala ndéndé kwé, na popo ti azo ti kodro kwé.

Aita ti é so ayèkè na kodro wandé kwé mbi mou na ala ndjoni mtanga ti dipendance.

E bi kongo na ndo ti kodro ti e be africa,

Ziya nzapa abata kodro te lakoué.

Mbi mou na ala kwé singuila.